

UNIVERZITET U SARAJEVU - ELEKTROTEHNIČKI FAKULTET

Broj: 01-615/26


Sarajevo, 12.02.2026. godine

Z A P I S N I K

sa 31. redovne sjednice Vijeća Univerziteta u Sarajevu - Elektrotehničkog fakulteta, održane
02.02.2026. godine s početkom u 14:00 sati, u sali S-1
Univerziteta u Sarajevu - Elektrotehničkog fakulteta.

Od 57 članova Vijeća Univerziteta u Sarajevu - Elektrotehničkog fakulteta, sjednici je prisustvovalo 49 članova Vijeća Univerziteta u Sarajevu - Elektrotehničkog fakulteta.

Prisutni članovi Vijeća Univerziteta u Sarajevu - Elektrotehničkog fakulteta:



Odsutni članovi Vijeća Univerziteta u Sarajevu - Elektrotehničkog fakulteta:



Ostali prisutni:



Zasjedanje je počelo u 14:00 sati.

Konstatovano je da sjednici, prilikom otvaranja prisustvuje 49 članova Vijeća Univerziteta u Sarajevu - Elektrotehničkog fakulteta s pravom glasa, odnosno da postoji kvorum za punopravno odlučivanje.

Sjednicom predsjedava dekan, [redacted] Imenovani je otvorio sjednicu i pozdravio prisutne.

Na razmatranje je stavljen dostavljeni dnevni red, koji je Vijeće Univerziteta u Sarajevu - Elektrotehničkog fakulteta usvojilo jednoglasno (49 glasova za, 0 protiv i 0 suzdržanih) u sadržaju kako slijedi:

DNEVNI RED

1. Zapisnik

1.1. Usvajanje Zapisnika sa 55. elektronske sjednice od 26.01.2026. godine;



2. Izbori

- 2.1. Usvajanje Izvještaja Komisije za pripremu prijedloga za izbor u zvanje viši asistent na naučnu oblast Računarstvo i informatika i prijedloga Odluke o izboru u zvanje viši asistent, [REDACTED] dipl.ing.el;
- 2.2. Usvajanje Izvještaja Komisije za pripremu prijedloga za izbor u zvanje asistent na naučnu oblast Računarstvo i informatika i prijedloga Odluke o izboru u zvanje asistentice, [REDACTED] magistre primjenjene matematike;
- 2.3. Usvajanje Izvještaja Komisije za pripremu prijedloga za izbor u zvanje asistent na naučnu oblast Računarstvo i informatika i prijedloga Odluke o izboru u zvanje asistenta [REDACTED] dipl.ing.el;
- 2.4. Usvajanje Izvještaja Komisije za pripremu prijedloga za izbor u zvanje asistent na naučnu oblast Računarstvo i informatika i prijedloga Odluke o izboru u zvanje asistentice, [REDACTED] dipl.ing.el;

3. Organizaciona pitanja

- 3.1. Usvajanje Odluke o kriterijima za angažman stručnjaka iz prakse na Univerzitet u Sarajevu - Elektrotehničkom fakultetu;

4. Nastavna pitanja

- 4.1. Usvajanje Odluke o usvajanju osavremenjivanja studijskog programa/tehničkim korekcijama na Univerzitet u Sarajevu – Elektrotehničkom fakultetu;
- 4.2. Usvajanje Odluke o priznavanju nastavnih predmeta u okviru programa mobilnosti Erasmus+ za studenta [REDACTED]
- 4.3. Usvajanje Odluke o priznavanju ranije stečene akademske titule, naučnog i stručnog zvanja sa novim zvanjem u skladu sa bolonjskim sistemom studiranja za kandidate:
- a) [REDACTED]
 - b) [REDACTED]
 - c) [REDACTED]

5. Recenzije

- 5.1. Usvajanje Odluke o imenovanju recenzenata za rukopis „KLIZNI REŽIMI U SISTEMIMA UPRAVLJANJA - Od kontinualne invarijantnosti do diskretne robusnosti“ autora: [REDACTED]

6. Drugi ciklus studija

- 5.1. Usvajanje Odluke o usvajanju Izvještaja Komisije za ocjenu i odbranu završnog rada studenta drugog ciklusa studija za studente:
- a) [REDACTED]
 - b) [REDACTED]
 - c) [REDACTED]

7. Treći ciklus studija

- 7.1. Usvajanje Odluka o odobravanju zahtjeva za produženje roka za okončanje studija za studenta [REDACTED]
- 7.2. Usvajanje Odluke o prihvatanju Izvještaja o ocjeni korigovane radne verzije koji je podnijela Komisija u sastavu: [REDACTED]
Sarajevu - Elektrotehničkog fakulteta, profesorica Univerzitet u Sarajevu - Elektrotehničkog fakulteta, mentorica i članica, dr. [REDACTED] Univerzitet u Sarajevu - Elektrotehničkog fakulteta, profesorica Elektrotehničkog fakulteta Univerziteta u Banjoj Luci), članica i dr. [REDACTED] Univerziteta Crne Gore), [REDACTED] elektrotehnike – diplomirani inženjer elektrotehnike, pod naslovom "Redukcija dimenzionalnosti faktora uticaja pri evaluaciji kvaliteta iskustva video sadržaja";
- 7.3. Usvajanje prijedloga Odluke za obrazovanje Komisije za odbranu doktorske disertacije



studentice [REDACTED] magistar elektrotehnike - diplomirani inženjer elektrotehnike, pod naslovom Redukcija dimenzionalnosti faktora uticaja pri evaluaciji kvaliteta iskustva video sadržaja"; u sastavu: dr. [REDACTED] vanredni profesor Univerzitet u Sarajevu - Elektrotehničkog fakulteta, predsjednik, [REDACTED] redovna profesorica Univerzitet u Sarajevu - Elektrotehničkog fakulteta, mentorica i članica, dr. [REDACTED] profesor Univerzitet u Sarajevu - Elektrotehničkog fakulteta [REDACTED] redovna profesorica Elektrotehničkog fakulteta Univerziteta u Banjoj Luci), članica i dr. [REDACTED] docentica Elektrotehničkog fakulteta Univerziteta Crne Gore), članica;

8. Tekuća pitanja

8.1. Informacija koordinatora studijskog programa Data Science and Artificial Intelligence.

TOK SJEDNICE

Istovremeno sa izjašnjavanjem o dnevnom redu, prof. dr. [REDACTED] je zatražila riječ i napomenula da je prethodno uputila prijedlog za dopunu dnevnog reda koja se odnosi na angažman stručnjaka iz prakse, te da isti nije uvršten. Dekan, prof. dr. [REDACTED] je pojasnio da je na sjednici Kolegija pitao šefove matičnih odsjeka da li postoje još neki pristigli materijali za ovu sjednicu, što su svi šefovi negirali. Nakon toga, dekan, prof. dr. [REDACTED] je upitao sekretarku, [REDACTED] da obrazloži o kakvom prijedlogu za dopunu je riječ. Imenovana je rekla da se jedan prijedlog odnosi na angažman stručnjaka iz prakse u zimskom semestru koji je završen, a drugi angažman se odnosi na angažman u ljetnom semestru za osobu koja ne ispunjava uslove za angažman. Prof. dr. [REDACTED] je pojasnila da je u prijedlogu načinila tehničku grešku, na način da je navela tačan naziv nastavnog predmeta na koji se angažman odnosi, ali je greškom naznačeno da je riječ o nastavnom predmetu zimskog semestra. Imenovana je također navela da istu grešku napravila i prilikom prethodnog prijedloga za ovaj angažman. Dekan, prof. dr. [REDACTED] je zatražio da imenovana dostavi novi, ispravan zahtjev za angažman u ljetnom semestru studijske 2025/2026. godine.

TOK SJEDNICE:

Ad.1.

1.1. Povodom ove tačke dnevnog reda, za riječ se javila prof. dr. [REDACTED] koja je rekla da ima pitanje u vezi sa Zapisnikom sa 55. elektronske sjednice održane 26.01.2026. godine.

Dekan, prof. dr. [REDACTED] je obrazložio da je riječ o zapisniku sa elektronske sjednice u koji je uključen samo sadržaj odluke o predmetnoj i ujedno jedinoj tački dnevnog reda, te rezultati glasanja.


Imenovana je izjavila da traži da se zapisnički evidentira da joj nije omogućeno da postavi pitanje u vezi sa predmetom tačkom dnevnog reda.

Zapisnik sa 55. elektronske sjednice od 26.01.2026. godine, usvojen je jednoglasno (49 glasova za, 0 protiv i 0 suzdržanih).

Ad.2.

2.1. Povodom tačke dnevnog reda koja se odnosi na Izvještaj Komisije za pripremu prijedloga za izbor u zvanje viši asistent na naučnu oblast Računarstvo i informatika i prijedloga Odluke o izboru u zvanje viši asistent, [REDACTED] predsjednica Komisije prof. dr. [REDACTED] je upoznala prisutne da Komisija jednoglasno ostaje pri dostavljenom prijedlogu za izbor, uz napomenu da je naknadnim/ponovnim uvidom u sadržaj Izvještaja, Komisija utvrdila da kandidatkinja [REDACTED] ne ispunjava uslove Propisane Zakonom o visokom obrazovanju u pogledu minimalnog prosjeka ocjena, a što je utvrđeno nakon izvršenog preračunavanja jedinstvenog prosjeka ocjena na prvom i drugom ciklusu studija.

Nakon izlaganja predsjednice Komisije, prof. dr. [REDACTED] je izjavila da se kao i prilikom predlaganja izbora istog kandidata za izbor u zvanje asistent, protiv ovom izboru, iz razloga što se izbor vrši za naučnu oblast Računarstvo i informatika.



Predsjednica Komisije, prof. dr. [REDACTED] obrazložila je da je u pitanju angažman na nastavnim predmetima Inženjerska matematika, na kojem, od ukupnog broja studenta, njih 50% studenti sa Odsjeka za računarstvo i informatiku.

Prof. dr. [REDACTED] je tom prilikom podsjetio na zahtjeve ASIIN-a u okviru akreditacije studijskih programa prvog ciklusa studija, koji su bili izričiti u pogledu pripadnosti naprijed navedenih nastavnih predmeta svim naučnim oblastima.

Nakon što je diskusija zaključena, Izvještaj Komisije za pripremu prijedloga za izbor u zvanje viši asistent na naučnu oblast Računarstvo i informatika i prijedlog Odluke o izboru u zvanje viši asistent, [REDACTED] stavljeni su na glasanje, povodom kojih Vijeće Univerziteta u Sarajevu - Elektrotehničkog fakulteta većinom glasova od ukupnog broja članova (48 glasova za i 1 protiv) donosi

PRIJEDLOG ODLUKE

o izboru akademskog osoblja na naučnu oblast Računarstvo i informatika

I - Utvrđuje se prijedlog Odluke o izboru u zvanje viši asistent, [REDACTED] dipl.ing.el na naučnu oblast Računarstvo i informatika na Univerzitet u Sarajevu – Elektrotehničkom fakultetu.

II - Prijedlog Odluke dostavit će se Senatu Univerziteta u Sarajevu na odlučivanje.

III – Sastavni dio ove Odluke predstavlja Izvještaj Komisije sa prijedlogom za izbor.

2.2. Povodom tačke dnevnog reda koja se odnosi na Izvještaj Komisije za pripremu prijedloga za izbor u zvanje asistent na naučnu oblast Računarstvo i informatika i prijedloga Odluke o izboru u zvanje asistentice, [REDACTED] Vijeće Univerziteta u Sarajevu - Elektrotehničkog fakulteta većinom glasova od ukupnog broja članova (47 glasova za i 2 protiv) donosi

PRIJEDLOG ODLUKE

o izboru akademskog osoblja na naučnu oblast Računarstvo i informatika

I - Utvrđuje se prijedlog Odluke o izboru u zvanje asistentice, [REDACTED] magistra primjenjene matematike na naučnu oblast Računarstvo i informatika na Univerzitet u Sarajevu – Elektrotehničkom fakultetu.

II - Prijedlog Odluke dostavit će se Senatu Univerziteta u Sarajevu na odlučivanje.

III – Sastavni dio ove Odluke predstavlja Izvještaj Komisije sa prijedlogom za izbor.

2.3. Povodom tačke dnevnog reda koja se odnosi na Izvještaj Komisije za pripremu prijedloga za izbor u zvanje asistent na naučnu oblast Računarstvo i informatika i prijedlog Odluke o izboru u zvanje asistenta [REDACTED] Vijeće Univerziteta u Sarajevu - Elektrotehničkog fakulteta jednoglasno (49 glasova za i 0 protiv) donosi

PRIJEDLOG ODLUKE

o izboru akademskog osoblja na naučnu oblast Računarstvo i informatika

I - Utvrđuje se prijedlog Odluke o izboru u zvanje asistent, [REDACTED] magistar elektrotehnike – diplomirani inženjer elektrotehnike na naučnu oblast Računarstvo i informatika na Univerzitet u Sarajevu – Elektrotehničkom fakultetu.

II - Prijedlog Odluke dostavit će se Senatu Univerziteta u Sarajevu na odlučivanje.

III – Sastavni dio ove Odluke predstavlja Izvještaj Komisije sa prijedlogom za izbor.

2.4. Povodom tačke dnevnog reda koja se odnosi na Izvještaj Komisije za pripremu prijedloga za izbor u zvanje asistent na naučnu oblast Računarstvo i informatika i prijedlog Odluke o izboru u zvanje asistentice, [REDACTED] Vijeće Univerziteta u Sarajevu - Elektrotehničkog fakulteta jednoglasno (49 glasova za i 0 protiv) donosi

PRIJEDLOG ODLUKE

o izboru akademskog osoblja na naučnu oblast Računarstvo i informatika

I - Utvrđuje se prijedlog Odluke o izboru u zvanje asistentice, [REDACTED] magistra elektrotehnike – diplomirana inženjerka elektrotehnike na naučnu oblast Računarstvo i



informatika na Univerzitet u Sarajevu – Elektrotehničkom fakultetu.

II - Prijedlog Odluke dostavit će se Senatu Univerziteta u Sarajevu na odlučivanje.

III – Sastavni dio ove Odluke predstavlja Izvještaj Komisije sa prijedlogom za izbor.

Ad.3.

3.1. Povodom tačke dnevnog reda koja se odnosi na Odluku o kriterijima za angažman stručnjaka iz prakse na Univerzitet u Sarajevu - Elektrotehničkom fakultetu, Vijeće Univerziteta u Sarajevu - Elektrotehničkog fakulteta većinom glasova od ukupnog broja članova (48 glasova za, 0 protiv i 1 suzdržan) donosi

ODLUKU

o kriterijima za angažman stručnjaka iz prakse na Univerzitet u Sarajevu - Elektrotehničkom fakultetu

I

Ovom Odlukom definišu se način i uslovi angažmana stručnjaka iz prakse na Univerzitet u Sarajevu – Elektrotehničkom fakultetu.

II

S ciljem upoznavanja studenata sa određenim naučnim dostignućima, sa primjenom naučnih rezultata u praksi i praktičnim radom i drugim vidovima usavršavanja, Univerzitet u Sarajevu - Elektrotehnički fakultet može angažirati istaknutog naučnog radnika odnosno stručnjaka iz prakse da učestvuje u ostvarivanju dijela nastave na nastavnom predmetu studijskog programa na prijedlog predmetnog nastavnika. Stručnjaka iz prakse predlaže predmetni nastavnik, a Vijeće utvrđeni prijedlog za angažman stručnjaka iz prakse dostavlja Senatu radi donošenja konačne odluke.

Pod pojmom stručnjaka iz prakse podrazumijeva se osoba koja ima najmanje dvije godine radnog iskustva u struci te ispunjava dodatne uvjete:

- VSS - najmanje VII stepen stručne spreme, odnosno stepen drugog ciklusa Bolonjskog sistema studiranja odgovarajućeg usmjerenja (minimalno 240 ECTS);
- posjeduje potrebne reference, certifikate ili druga dokumenta koja dokazuju stručnost za rad na nastavnom predmetu, odnosno čije su profesionalne kompetencije rezultat rada u realnom sektoru, privredi, industriji, javnom ili privatnom sektoru, na koji način se obezbjeđuje primjena naučnih rezultata u praksi i praktičan rad i drugi vidovi usavršavanja koji nisu nastali kao rezultat rada u nastavi.

Stručnjaka iz prakse učestvuje u nastavi u cilju izvođenja pojedinih specifičnih predavanja, vježbi, seminara i drugih oblika rada, uz obavezan nadzor predmetnog nastavnika u obimu do maksimalnih 50% planiranih nastavnih sati.

III


Predmetni nastavnik uz prijedlog za angažman dužan je dostaviti Potvrdu/Uvjerenje o radnom iskustvu u struci ili drugi odgovarajući dokument i biografiju, kao i potrebne reference, certifikate ili druga dokumenta koja dokazuju stručnost za rad u nastavi na određenom nastavnom predmetu.

Sastavni dio ove Odluke predstavlja Prijedlog za angažman predmetnog nastavnika.

IV

Za angažman stručnjaka iz prakse zaključuje se ugovor o angažmanu u nastavi.

U ugovor o angažmanu unosi se naziv predmeta, broj sati nastave na predmetu, kao i ukupan broj sati koje stručnjak iz prakse izvodi u realizaciji nastavnog procesa.



V

Za svoj angažman stručnjak iz prakse ima pravo na mjesečnu naknadu koja se utvrđuje u skladu sa metodologijom propisanom Pravilnikom o plaćama i naknadama Univerziteta u Sarajevu. Obračun naknada za isplatu stručnjaka iz prakse vrši prodekan za opšte poslove i finansije.

VI

Odluka stupa na snagu danom donošenja.

Ad.4.

4.1. Povodom tačke dnevnog reda koja se odnosi na osavremenjivanje studijskog programa/tehničkim korekcijama na Univerzitet u Sarajevu – Elektrotehničkom fakultetu, a odnosi se na treći ciklus studija – doktorski studij, predsjednik Vijeća dokorskog studija i prodekan za naučnoistraživački rad, prof. dr. [REDACTED] je dao potrebno pojašnjenje. Primjedbe na pojašnjenje prof. dr. [REDACTED] kao i sam naziv odluke (korištenje termina *osavremenjivanje*) uputila je prof. dr. [REDACTED] kojoj je imenovani dao odgovarajući odgovor, nakon čega je diskusija zaključena, te Vijeće Univerziteta u Sarajevu - Elektrotehničkog fakulteta jednoglasno (49 glasova za i 0 protiv) donosi

ODLUKU

o osavremenjivanju studijskog programa/tehničkim korekcijama unutar Nastavnog plana i programa trećeg ciklusa studija - dokorskog studija na Univerzitetu u Sarajevu – Elektrotehničkom fakultetu

I

Usvajaju se tehničke korekcije unutar Nastavnog plana i programa trećeg ciklusa studija - dokorskog studija na svim oblastima studija Univerziteta u Sarajevu - Elektrotehničkog fakulteta, na način kako slijedi:

1. u trećem semestru, umjesto „2. **Priprema i odbrana teme** doktorske disertacije (projekta)“ koja se vrednuje sa 12 ECTS studijskih bodova - kredita, vrši se korekcija da stoji „**Prijava teme** doktorske disertacije“ koja se vrednuje sa 12 ECTS studijskih bodova - kredita;
2. u četvrtom semestru, umjesto „**Priprema radne verzije** doktorske disertacije“ koja se vrednuje sa 30 ECTS studijskih bodova - kredita, vrši se korekcija i treba da stoji „**Prijava projekta** doktorske disertacije“ koja se vrednuje sa 30 ECTS studijskih bodova - kredita;
3. u petom semestru, umjesto „**Prezentacija** radne verzije doktorske disertacije“ koja se vrednuje sa 30 ECTS studijskih bodova - kredita, vrši se korekcija i treba da stoji „**Priprema** radne verzije doktorske disertacije“, koja se vrednuje sa 30 ECTS studijskih bodova - kredita;
4. u pogledu uvjeta za upis u treću godinu trećeg ciklusa studija - dokorskog studija vrši se korekcija na način da umjesto „položeni svi ispiti (četiri) i **odbranjena** prijava prijedloga teme doktorske disertacije (projekta).“, treba da stoji „položeni svi ispiti (četiri) i **predata** prijava projekta doktorske disertacije.“.

II

Osavremenjeni program/tehničke korekcije unutar Nastavnog plana i program iz tačke I Odluke, primjenjuju se od početka studijske 2025/2026. godine na trećem ciklusu studija - dokorskom studiju, za sve studijske godine koje se realiziraju u skladu sa Pravilima studiranja za treći ciklus na Univerzitetu u Sarajevu - dokorski studij (broj: 01-4-9-1/24 od 28.02.2024. godine).

4.2. Povodom tačke dnevnog reda koja se odnosi na priznavanje nastavnih predmeta u okviru programa mobilnosti Erasmus+, Vijeće Univerziteta u Sarajevu - Elektrotehničkog fakulteta jednoglasno (49 glasova za i 0 protiv) donosi



ODLUKU
o priznavanju rezultata u okviru mobilnosti studenata

I

██████████ studentici Odsjeka za računarstvo i informatiku, priznaju se nastavni predmeti/ispiti, ostvareni ECTS studijski bodovi – krediti i ocjene, položeni u okviru učešća u programu mobilnosti, u studijskoj 2025/2026. godini.

II

Priznavanje položenih nastavnih predmeta/ispita, ostvarenih ECTS studijskih bodova – kredita i ocjena izvršit će se na osnovu prijedloga Vijeća Odsjeka za računarstvo i informatiku, koji se prilaže uz ovu odluku i čini njen sastavni dio.

III

Za upis priznatih nastavnih predmeta/ispita, ostvarenih ECTS studijskih bodova – kredita i ocjena u odgovarajuće evidencije, zadužuje se Služba za nastavu Univerziteta u Sarajevu - Elektrotehničkog fakulteta.

IV

Ova odluka stupa na snagu danom donošenja.

4.3. Povodom tačke dnevnog reda koja se odnosi na priznavanje ranije stečenih akademskih titula, naučnog i stručnog zvanja sa novim zvanjem u skladu sa bolonjskim sistemom studiranja, Vijeće Univerziteta u Sarajevu - Elektrotehničkog fakulteta većinom glasova od ukupnog broja članova (48 glasova za, 0 protiv i 1 suzdržan) donosi odluke kako slijedi:

a)

I - ██████████ priznaje se ekvivalencija ranije stečenog zvanja bez dodatnih uvjeta, na način da ranije stečeno zvanje i stručni naziv diplomirani inženjer elektrotehnike, Odsjek za računarstvo i informatiku odgovara akademskoj tituli i zvanju Magistar elektrotehnike - Diplomirani inženjer elektrotehnike, Odsjek za računarstvo i informatiku, koje se stiže završetkom drugog ciklusa studija na Univerzitetu u Sarajevu - Elektrotehničkom fakultetu (300 ECTS studijskih bodova – kredita).

II - Na osnovu ove odluke, izdaje se uvjerenje o ekvivalenciji ranije stečene akademske titule, odnosno naučnog i stručnog zvanja, sa prosjekom ocjena koji je stečen tokom ranije završenog studija koji je predmet ekvivalencije.

III - Odluka stupa na snagu danom donošenja.

b)

I - ██████████ priznaje se ekvivalencija ranije stečenog zvanja bez dodatnih uvjeta, na način da ranije stečeno zvanje i stručni naziv diplomirani inženjer elektrotehnike, Odsjek za računarstvo i informatiku odgovara akademskoj tituli i zvanju Magistar elektrotehnike - Diplomirani inženjer elektrotehnike, Odsjek za računarstvo i informatiku, koje se stiže završetkom drugog ciklusa studija na Univerzitetu u Sarajevu - Elektrotehničkom fakultetu (300 ECTS studijskih bodova – kredita).

II - Na osnovu ove odluke, izdaje se uvjerenje o ekvivalenciji ranije stečene akademske titule, odnosno naučnog i stručnog zvanja, sa prosjekom ocjena koji je stečen tokom ranije završenog studija koji je predmet ekvivalencije.

III - Odluka stupa na snagu danom donošenja.

c)

I - ██████████ priznaje se ekvivalencija ranije stečenog zvanja bez dodatnih uvjeta, na način da ranije stečeno zvanje i stručni naziv diplomirani inženjer elektrotehnike, Odsjek za automatiku i elektroniku odgovara akademskoj tituli i zvanju Magistar elektrotehnike - Diplomirani inženjer elektrotehnike, Odsjek za automatiku i elektroniku, koje se stiže završetkom



drugog ciklusa studija na Univerzitetu u Sarajevu - Elektrotehničkom fakultetu (300 ECTS studijskih bodova – kredita).

II - Na osnovu ove odluke, izdaje se uvjerenje o ekvivalenciji ranije stečene akademske titule, odnosno naučnog i stručnog zvanja, sa prosjekom ocjena koji je stečen tokom ranije završenog studija koji je predmet ekvivalencije.

III - Odluka stupa na snagu danom donošenja.

Ad.5.

5.1. Povodom tačke dnevnog reda koja se odnosi na imenovanje recenzenata za rukopis „KLIZNI REŽIMI U SISTEMIMA UPRAVLJANJA - Od kontinualne invarijantnosti do diskretne robusnosti“ autora: [REDAKCIJA]

[REDAKCIJA] Vijeće Univerziteta u Sarajevu - Elektrotehničkog fakulteta jednoglasno (49 glasova za, 0 protiv i 0 suzdržanih) donosi

ODLUKU

I

Za recenziju rukopisa pod naslovom „KLIZNI REŽIMI U SISTEMIMA UPRAVLJANJA - Od kontinualne invarijantnosti do diskretne robusnosti“ autora: prof. [REDAKCIJA] dr. [REDAKCIJA] imenuju se recenzenti, i to kako slijedi:

1. [REDAKCIJA]
2. [REDAKCIJA]
3. [REDAKCIJA]

II

Ova odluka dostavit će se Izdavačkom savjetu Univerziteta u Sarajevu.

Ad.6.

6.1. Povodom tačke dnevnog reda koja se odnosi na Izvještaje Komisija za ocjenu i odbranu završnog rada studenata drugog ciklusa studija, Vijeće Univerziteta u Sarajevu - Elektrotehničkog fakulteta jednoglasno (49 glasova za, 0 protiv i 0 suzdržanih) donosi odluke kako slijedi:

a)

I - Usvaja se Izvještaj Komisije za ocjenu i odbranu završnog rada studenta drugog ciklusa studija Odsjeka za računarstvo i informatiku, [REDAKCIJA] pod naslovom: "Izvedba SSO upotrebom Google računa".

II - Prihvata se završni rad studenta [REDAKCIJA] pod naslovom: "Izvedba SSO upotrebom Google računa".

III - Služba za nastavu Univerziteta u Sarajevu - Elektrotehničkog fakulteta, u skladu sa Pravilima studiranja za prvi i drugi ciklus studija, integrisani, specijalistički i stručni studij na Univerzitetu u Sarajevu i u dogovoru sa Komisijom za ocjenu i odbranu završnog rada na drugom ciklusu studija, obavijestit će imenovanog studenta o usvajanju Izvještaja Komisije, a datum odbrane završnog rada objavit će se na oglasnoj ploči i internet stranici Univerziteta u Sarajevu – Elektrotehnički fakultet.

IV - Odluka stupa na snagu danom donošenja.

b)

I - Usvaja se Izvještaj Komisije za ocjenu i odbranu završnog rada studentice drugog ciklusa studija Odsjeka za računarstvo i informatiku, [REDAKCIJA] pod naslovom: "Supervizijski modeli za klasifikaciju patoloških promjena na medicinskim slikama".

II - Prihvata se završni rad studentice [REDAKCIJA] pod naslovom: "Supervizijski modeli za klasifikaciju patoloških promjena na medicinskim slikama".

III - Služba za nastavu Univerziteta u Sarajevu - Elektrotehničkog fakulteta, u skladu sa Pravilima studiranja za prvi i drugi ciklus studija, integrisani, specijalistički i stručni studij na Univerzitetu u Sarajevu i u dogovoru sa Komisijom za ocjenu i odbranu završnog rada na



drugom ciklusu studija, obavijestit će imenovanog studenta o usvajanju Izvještaja Komisije, a datum odbrane završnog rada objavit će se na oglasnoj ploči i internet stranici Univerziteta u Sarajevu – Elektrotehnički fakultet.

IV - Odluka stupa na snagu danom donošenja.

c)

I - Usvaja se Izvještaj Komisije za ocjenu i odbranu završnog rada studentice drugog ciklusa studija Odsjeka za elektroenergetiku, pod naslovom: "Zaštita srednjenaponskih mreža usljed udara groma".

II - Prihvata se završni rad studentice pod naslovom: "Zaštita srednjenaponskih mreža usljed udara groma".

III - Služba za nastavu Univerziteta u Sarajevu - Elektrotehničkog fakulteta, u skladu sa Pravilima studiranja za prvi i drugi ciklus studija, integrisani, specijalistički i stručni studij na Univerzitetu u Sarajevu i u dogovoru sa Komisijom za ocjenu i odbranu završnog rada na drugom ciklusu studija, obavijestit će imenovanog studenta o usvajanju Izvještaja Komisije, a datum odbrane završnog rada objavit će se na oglasnoj ploči i internet stranici Univerziteta u Sarajevu – Elektrotehnički fakultet.

IV - Odluka stupa na snagu danom donošenja.

U 14:23 sati, sjednicu je napustila , te od tog trenutka sjednici prisustvuje 48 članova Vijeća Univerziteta u Sarajevu - Elektrotehničkog fakulteta.

Ad.7.

7.1. Povodom tačke dnevnog reda koja se odnosi na odobravanje zahtjeva za produženje roka za okončanje studija za studenta Vijeće Univerziteta u Sarajevu - Elektrotehničkog fakulteta jednoglasno (48 glasova za, 0 protiv i 0 suzdržanih) donosi

ODLUKU

o utvrđivanju opravdanih razloga za produženje trajanja III ciklusa studija studentu III ciklusa studija

I – studentu III ciklusa studija na Univerzitet u Sarajevu – Elektrotehničkom fakultetu, produžava se rok za završetak III ciklusa studija najduže za tri studijske godine.

II – Odluka stupa na snagu danom donošenja.

7.2. Povodom tačke dnevnog reda koja se odnosi na Izvještaj o ocjeni korigovane radne verzije kandidatkinje magistar elektrotehnike – diplomirani inženjer elektrotehnike, pod naslovom "Redukcija dimenzionalnosti faktora uticaja pri evaluaciji kvaliteta iskustva video sadržaja", Vijeće Univerziteta u Sarajevu - Elektrotehničkog fakulteta većinom glasova od ukupnog broja članova (47 glasova za, 0 protiv i 1 suzdržan) donosi

ODLUKU

I - Usvaja se Izvještaj o ocjeni korigovane radne verzije i prihvata prijedlog doktorske disertacije kandidatkinje magistar elektrotehnike – diplomirani inženjer elektrotehnike (broj: 0101-5666/25 od 05.12.2025. godine), koji je podnijela Komisija za ocjenu doktorske disertacije, u sastavu:

1. predsjednik,

2.

Elektrotehnički fakultet,

3.

član,

4.

Luci, članica



5.

članica;

II - Korigovana radna verzija projekta doktorske disertacije pod naslovom "Redukcija dimenzionalnosti faktora uticaja pri evaluaciji kvaliteta iskustva video sadržaja", kandidatkinje [REDACTED] magistar elektrotehnike – diplomirani inženjer elektrotehnike, studentice trećeg ciklusa studija - doktorskog studija Univerzitet u Sarajevu - Elektrotehničkog fakulteta i Izvještaj Komisije za ocjenu o korigovanoj verziji projekta doktorske disertacije, dostupne javnosti u periodu od 30 dana, nisu imale primjedbe.

III - Ova odluka sa utvrđenim prijedlogom dostavlja se Senatu Univerziteta u Sarajevu na daljnji postupak.

7.3. Povodom tačke dnevnog reda koja se odnosi na obrazovanje Komisije za odbranu doktorske disertacije studentice [REDACTED] magistar elektrotehnike - diplomirani inženjer elektrotehnike, pod naslovom Redukcija dimenzionalnosti faktora uticaja pri evaluaciji kvaliteta iskustva video sadržaja", Vijeće Univerziteta u Sarajevu - Elektrotehničkog fakulteta jednoglasno (48 glasova za, 0 protiv i 0 suzdržanih) donosi

ODLUKU

I

Vijeće Univerzitet u Sarajevu - Elektrotehničkog fakulteta prihvata projekat doktorske disertacije i u daljnjoj proceduri predlaže imenovanje Komisije za odbranu doktorske disertacije kandidatkinje [REDACTED] magistar elektrotehnike – diplomirani inženjer elektrotehnike, pod naslovom: "Redukcija dimenzionalnosti faktora uticaja pri evaluaciji kvaliteta iskustva video sadržaja", u sastavu:

1.

predsjed

2.

Elektro

3.

član,

4.

Luci, čl

5.

članica;

II

Ova odluka sa utvrđenim prijedlogom se dostavlja Senatu Univerziteta u Sarajevu na daljnji postupak.

Ad.8.

8.1. Povodom ove tačke dnevnog reda, koordinatorica studijskog programa Data Science and Artificial Intelligence, prof. dr. [REDACTED] je pročitala sadržaj kako slijedi:

"Želim podsjetiti Vijeće ETF-a UNSA da je studijski program "Data Science and Artificial Intelligence" (skraćeno: DSAI) prihvaćen i odobren od svih instanci UNSA, uključujući Odbor za kvalitet ETF-a, Vijeće ETF-a, odbor za kvalitet UNSA, te Senat. Ovim su ispoštovana sva pravila "Pravilnika o postupku usvajanja i izmjene studijskih programa na Univerzitetu u Sarajevu". Studijski program DSAI nalazi u drugoj godini realizacije. U prvoj godini upisano je 55 studenata, a u drugoj 59. Na realizaciji je do sada učestovalo oko 15 nastavnika i preko 20 stručnjaka iz prakse i demonstratora. Iskustva nastavnika koji predaju na ovom studijskom programu su izuzetno pozitivna. Studenti su zadovoljni sa uslovima realizacije u datim okolnostima, te znanjem koje stiču u samon procesu. Od donatora smo ocijenjeni kao uspješan program, tj. prosjek uspješnosti studijskog programa je 89% po anketama studenata.

Uspjeh studija se isključivo može pripisati desetinama hiljada sati koje su volonterski i nesebično

10/13



uložene u stvaranje studijskog programa. U prilog uspjehu ovog programa ide i činjenica da imamo stalne pozive od različitih Univerziteta i kompanija za uspostavljanje saradnje. Tim koji realizuje DSAI se ne bavi tračevima i širenju dezinformacija, nego predano radi na organizaciji nastave, realizaciji operativnih poslova, te na uspostavljanju saradnje sa drugim Univerzitetima i programima. Napomenut ću da se u toku sedmice napravi oko 20 sati snimaka predavanja koja se dostavljaju DL studentima. Samo ova činjenica dovoljna je da se vidi koliko truda se ulaže na dnevnoj osnovi za ovaj studijski program.

U zadnjih nekoliko mjeseci u pojedinim krugovima i kuloarima počeli su se pojavljivati tračevi i širiti neistine. Na iste nisam reagovala jer sam smatram da nisu važni obzirom da nisu potkovani činjenicama niti dokazima, međutim vidim da su uzeli maha, što me ne iznenađuje poznavajući mentalitet našeg društva, te ih ovim putem želim javno adresirati. Prvo su započele priče oko finansiranja DSAI-a, koliko znam pokrenute od strane prof. [REDACTED] sa insinuacijama da se dodatak na platu ne isplaćuje zbog toga što se preko tog iznosa finansira DSAI. Bilo ko ko se potrudio da pročita elaborat DSAI-a može da vidi da se DSAI finansira iz budžeta Kantona Sarajevo. Iz ove rečenice je sasvim jasno da se nastavnicima časovi održane nastave računaju kroz koeficijent kao na svakom drugom redovnom studijskom programu. Zlonamjernost onih koje ove priče iznose, te netačnost ovih insinucija, ovim postaje sasvim evidentna. Valjda pojedinci ne mogu da vjeruju da je moguće napraviti studijski program a da pri tome nemaju lični interes. Čuda su ipak moguća, ali iza tih čuda stoje pojedinci koji vjeruju u ideju u koju ulažu svoje vrijeme.

U zadnje vrijeme vidimo probleme oko raspisivanja konkursa za pozicije koje su namjenjene kao pomoć u realizaciji studijskog programa. Ovdje već imamo jako interesantam splet dešavanja koji je u zadnjoj fazi otkrio stvarni interes određenih pojedinaca. Dopustite da pojasnim o čemu je riječ.

Naime, svaka javna institucija u Kantonu Sarajevo trebala bi biti presretna da dobije pet novih pozicija, te da dobije kvalitetan i prijeko neophodan kadar za realizaciju nastavnih procesa. Podsjetit ću da su za dobijanje ovih pozicija ispoštovani svi institucionalni koraci, te se na njih čekalo nekoliko mjeseci. Raspisani su konkursi za pozicije dva docenta koje su na Senatu održanom 14.01. poništeni kroz veoma sumnjiv i čudan dopis upućen od strane dva profesora ovog Vijeća, [REDACTED]. U potpisu se u zaglavlju navodi Odsjek za računarstvo i informatiku te se u istom navodi da nije ispoštovana procedura imenovanja komisije, koja bi po njihovom mišljenju trebala doći od Odsjeka, ali ne navode kojeg. Opće je poznata činjenica da je studijski program interdisciplinaran što je navedeno i u njegovom elaboratu koji je usvojen od strane ranije pomenutih instanci, te da ne pripada niti jednom Odsjeku. Po saznanju da je ovaj dopis poslan Rektor, Senatu i grupaciji tehničkih nauka, spontano je organizovano potpisivanje pisma u kojem se demantuju sve činjenice iz pomenutog dopisa. Isti su potpisala 33 člana/članice ovog Vijeća, te je isti dostavljen Rektor, Senatu i grupaciji, ali koliko znam isti nije razmatran od strane Senata. Ovim je jasno i nedvosmisleno dato do znanja da je mišljenje pojedinaca važnije od mišljenja Vijeća ETF-a.

Prof. Omanović na sjednicima Vijeća odsjeka ne propušta da istakne svoju povezanost sa Rektorom, a čini se da je ona lične prirode, te zato ne čudi da ima prioritet i važnost u odnosu na odluke Vijeća ETF-a. Senat na prijedlog Rektora stavlja van snage alineje 1) i alineje 2) tačke Odluke Senata Univerziteta u Sarajevu, broj: 01-14-96/25 od 26.11.2025. godine, tj. faktički poništava dva konkursa. Napomenut ću da je konkurs poništen u onom trenutku kad se već znao broj prijavljenih kandidata i kada je komisija već počela sa radom. Na konkurs se prijavio veliki broj izuzetno kvalitetnih kandidata od kojih su neki doktorirali na svjetski poznatim i priznatim univerzitetima. To su građani BiH, a neki od njih odlučili vratiti u BiH, ali im je ovim činom to i onemogućeno. Ne samo njima, nego i drugima koji su doktorirali u BiH. Pitanje koje se nameće je ko je mogao imati koristi od poništenja ovih konkursa?

U ovim trenucima nije bilo jasno zašto bi Senat Univerziteta poništio konkurs na kojem može dobiti dva prijeko potrebna mlada čovjeka čiji cilj je educirati mlade u BiH. Dodatno nije jasna motivacija za iznenadno sabotiranje realizacije nastavnog procesa na DSAI. Činilo se ispočetka



da je ovo neka zakašnjela reakcija na stopiranje same inicijative. Nekima nije jasno da se sama ideja nije mogla stopirati niti na početku obzirom na samu ambiciju, a to je uvođenje jednom novog studijskog programa koji adresira važnu naučnu oblast, te realizaciju programa na engleskom jeziku što omogućava upis stranih studenata na UNSA, te osposobljavanje novih kadrova koji su prijeko potrebni našem društvu. Za pretpostaviti je da akteri skorašnjih dešavanja nisu vjerovali u samu ideju niti u mogućnost njene realizacije. Sada kada je DSAI uspješan treba isti osporiti i zaustaviti ili usporiti njegov razvoj. Poništenjem konkursa od strane Senata na inicijativu Rektora a na osnovu neosnovanog dopisa dva profesora jasno je upletanje u operativno izvršavanje rada studijskog programa na kojem je neophodno zaposliti dvije osobe koje će započeti nastavu u IV semestru koji počinje u martu, tj. za manje od mjesec dana. Poništenjem konkursa, onemogućen je operativni tok realizacije studijskog programa, a da su pritome u potpunosti ignorisane njegove potrebe iako je o istima Rektor obavješten.

Motivacija za ovakvo postupanje nije mi bila jasna dok nisam pročitala novi dopis prof. [REDACTED] predat 28.01. u kojima ponovo osporavaju raspisivanje konkursa zbog kako kažu: "odluka o utvrđivanju matičnih oblasti ... suprotna je Pravilniku o postupku usvajanja i izmjene studijskih programa na Univerzitetu u Sarajevu", te elaboratu DSAI programa. Dakle, ide se tako daleko da citiraju DSAI elaborat, koji sam sama pisala, te selektivno izdvajaju dijelove teksta koji im odgovaraju za njihov argument, te ih (ponovo) pogrešno tumače i zloupotrebljavaju. Smatram da su ovakvi postupci krajnje neetični i neakademski, da štete ugledu ove institucije, i da sprječavaju realizaciju nastavnog programa na DSAI. Naime, u dopisu se autori pozivaju na tekst u elaboratu u kojem je nedvosmleno rečeno da studijski program pripada oblasti tehničkih nauka, tj. najviše se vezuje za oblast "**computer science**", koji pomenuti prevode kao "računarstvo" a vrlo dobro znaju da se računarstvo prevodi kao "computing", jer su odsjek preveli kao "computing and informatics". Dodatno njihov prijevod upućuje da oni ne znaju razliku između pojmova computer science i computing.

Dodatno u dopisu piše "... da se u potpisu prvobitnog prijedloga i novog prijedloga nalaze iste osobe koje već godinama aktivno osporavaju doktorske disertacije asistentata na Odsjeku za računarstvo i informatiku... a čije je provođenje omogućilo da osporavani doktoranti postanu kandidatima za izbor akademskog osoblja u naučnonastavno zvanje docent ...".

Iz priloženog je konačno jasna njihova namjera.

Postavlja se pitanje zašto je konkurs poništen u trenutku kada su se kandidati već prijavili. Postavlja se pitanje da li se čekalo da neko doktorira pa da isti postane kandidat na konkursu. Da li se ovo može smatrati pogodovanjem kandidatima koji su doktorirali ili treba da doktoriraju na ETFu? Ako je to tako, onda to treba da bude javan i jasan stav Univerziteta u Sarajevu.

Ovdje želim napomenuti da pomenuti profesori nisu učestvovali u kreiranju studijskog programa DSAI, niti su uložili bilo kakav rad ili trud da isti poboljšaju, nego se protive njegovom nastajanju od samog početka. Kada imate ovakav slučaj, onda je logično zapitati se šta su navedini pojedinci uradili za ETF, a isti su ili obnašali funkciju Šefa Vijeća Odsjeka ili su trenutno na toj poziciji, dok su drugi bili članovi Uprave fakulteta.

Dešavanja koja sam opisala su klasični primjer slučaja kako od jednog uspješnog programa napraviti problem. Smatram da se ovo treba na vrijeme prepoznati i osuditi, jer ako to ne uradimo, onda ova institucija stagnira, a stagniramo i mi sa njom, kao i društvo u kojem živimo.

BiH je dio međunarodnih tokova, htjeli to neki prihvatiti ili ne. Akademsko zajednica u BiH treba nastojati da slijedi dobre prakse i bude dio naprednih društava, te uspostavlja saradnju sa svjetskim univerzitetima. Ovakav studij je prijeko potreban i ne može se zaustaviti jer javnost to neće dozvoliti. Na kraju, mi trenutno imamo preko 110 studenata upisanih na DSAI i imamo odgovornost prema njima.

Smatram da bi Vijeće Elektrotegničkog fakulteta trebalo zauzeti stav po ovom pitanju i da bi se trebalo čim prije ograditi od dva dopisa navedenih pojedinaca:



Dodatno, zbog ozbiljnosti gore opisanih problema, te direktnog uplitanja u operativne radnje, ovim putem Vas obavještavam da ću obavijestiti javnost o ovim dešavanjima, jer smatram da je ugrožen interes cijelog društva zbog koristi pojedinaca. Smatram da su svi koraci koji su do sada napravljeni direktan pokušaj uništavanja višegodisnjih napora, te to lično neću dozvoliti da se desi.

Želim da ovaj dopis u svojoj cijelosti bude u Zapisniku ove sjednice, a njegov izmjenjen sadržaj ću u narednim danima dostaviti medijima.

Zahvaljujem se na vašoj pažnji."

Sadržaj se u neizmijenjenom obliku unosi u Zapisnik sa 31. redovne sjednice Vijeća Univerziteta u sarajevu - Elektrotehničkog fakulteta.

Sjednica je zaključena u 14:53.

**PREDSJEDAVAJUĆI VIJEĆA
D E K A N**

Zapisnik sačinila:



